

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

12 Vtrum in extrema vel etiam in graui neceßitate licitum sit aliena
surripere.

[urn:nbn:de:hbz:466:1-72459](#)

fateri; quia Iudex tunc habet ius interrogandi, sicut de aliis criminibus. vnde non potest vt artificio prædicto. vide Nauar. cap. 17. n. 114. & duobus sequentibus. Contrarium tamen non est improbable; quia alia videtur mens Iudicis, nempe an accepit iniustè, non quoad modum tantum, sed quoad substantiam acceptio[n]is.

⁶³ Sequitur Tertius, Famulos non posse sibi occulere compescere ex bonis dominorum, dum queruntur stipendia sua esse iustè minora; nisi reuerā iudicio prudentis ita sit; nec solùm lege gratitudinis, sed etiam iustitia plus debeat; quod potest fieri duplicerit. Primo, Si paruo quidem sit convenientia, ea tamen mente, vt dominus, seruitio diligenter præstito, effter suppleturus, & hanc mentem famuli dominus satis aduerterit; tunc enim ex iustitia dominus tenetur supplere; quia hoc tacitè in pacto continetur. Secundo, Si pressus necessitate, exiguo conuenit; quia dominus amplius dare noluit; tunc enim quòd operam suam multò pluris valentem tam paruo loget, non sponte facit, sed necessitate compulso: (sicut si quis necessitate pressus, paruo vendat rem aliquam magni pretij) tenetur ergo dominus supplere stipendum ad aequivalentiam. hoc tamen intellige, si tali servitio egebat, vel si magnus ex eo capiat emolumen[t]um, quòd si non egebat, sed solùm ad preces alterius, nullo magno suo commodo admisit, merito potest minus offerre ac dare, *merces enim ultro*, vt dici solet, *viles sunt*: vide Nauar. cap. 17. num. 109. & sequentibus.

D V B I T A T I O X I .

Vtrum aliquando licet vim adferre debitori, si aliter nequeas rem tuam obtinere.

⁶⁴ R Espond. Dominicus Sotus putat id licere, quando Respublica ita est perturbata, vt nemo ius suum obtinere valeat, modò tamen sine armis & moderata fiat. Sed vetendum distinctione. Si res tua extet apud alterum in sua specie, (v.g. equus, vestis, torquis, &c.) & non possis eam aliter recuperare ob Reipublica perturbationem, non est improbable, posse te domum ingredi, & eam auferre: & si ille velit impedire, posse te etiam armis tueri. habes enim ius recuperandi rem tuam. Neque hic videtur propriè aggressio, sed defensio; vi suprà dictum est ex D. Antonino & Siluestro. Si tamen res non extet, sed ille tantum sit debitor tuus, non potes hoc modo illam vindicare; quia tu non es dominus rei illius, sed ipse: vnde habet ius tibi resistendi, si eam vi auferre nitaris, & tu censeris aggressor, non ille; quia ipse non detinet rem tuam, sed tu inuidis rem ipsius.

D V B I T A T I O X I I .

Vtrum in extrema vel etiam in graui necessitate, licitum sit alienum surripere.

D. Thom. quest. 66. art. 7.

⁶⁵ ^{Primo debet pess.} N otandum est, Eum, qui in necessitate versatur, non posse alienum usurpare, nisi ante petierit iuuari, explicata sua miseria; vel nisi certò libi persuadeat, se nihil obtenturum. si enim pro-

babilis spes sit, posse te conuenienti modo pretendo (non enim tenerur vir honestæ conditionis ostiati mendicare) consequi vt sit unum, non videris redactus ad eam necessitatem, vt cogaris surripere alienum. Hoc enim tunc demum Iure gentium conceditur; quando alia via occurrendi necessitatib[us] non suppetit. Quare si aliter facis, contra debitum ordinem facis: nemo enim potest vivere ex alieno, quando potest ex proprio; efficiendo vt res aliena fiat sua per donationem, vel aliter. Non tamen videtur esse peccatum mortale, si hic ordo non seruetur, modò scandalum absit. quia siue dominus concedat, siue non concedat, potes accipere. est enim dumtaxat inordinatio in modo.

Nunc Dico Primo, *Quemuis in extrema necessitate constitutum posse accipere rem alienam,* In extrema ^{licitum} *surripere.* ⁶⁷ *Est communis sententia DD. Probatur;* quia in extrema necessitate, *omnia sunt communia*, vt habet receptum axioma: non quòd per illam statim transferatur dominium; (vt recte probat Nauar. cap. 17. num. 61.) sed quia quoad ius vtiendi, communia sunt, ita vt licet qui quis illis angustis pressus, possit occupare, sibique vindicare rem quamlibet adeò sibi necessariam, & ex eius vnu sibi & proximo opitulari. Cuius ratio est, quia finis rerum inferiorum est, vt hominibus in necessitate sint subficio, & vt homines per illas possint vitam suam conseruare & tueri, ac proinde omnibus à natura hoc ius competit. Neque diuisio Iure gentium introducta potuit hoc Ius adimere: quia Ius gentium supponit, non euerit, Ius naturale; praetertim quod tantopere necessarium ad vita conseruationem. censeri itaque debet diuisio esse facta, referuato cuique Iure naturali, quatenus erat necessarium ad vitam tuerandam: alioquin non esset rationabili modo facta.

Hinc sequitur Primo, *Si quis in tali necessitate constitutus, veller aliquid sibi necessarium occupe, non posse à domino illius rei prohiberi;* quia ^{Non potest} *impediri.* Iure suo vtitur. quare poterit se tueri, tamquam qui iniustè ab altero inuidatur: & si necesse sit, feruato iustæ defensionis moderamine, impedientem occidere.

Sequitur Secundo, *Talem acceptio[n]em non esse furtum aut rapinam;* quia non sit dominio iure in iusto; tenetur enim consentire, cum tu iure tuo utaris.

Adverte tamen, *Si dominus sit in pari necessitate, te non posse ab illo accipere, vt omnes fatentur;* si dominis quia in pari causa, melior est conditio possidentis. *Si par me.* *Vtrum autem tenearis restituere,* dicitur infra *cessitas.* cap. 16. dub. 1.

Sed difficultas est, *Vtrum idem sit licitum in graui necessitate.* Multi DD. negant, putantes id iuris soli extremae necessitati referuatum. Ita Caiet. q. 66. art. 7. Sotus l. 5. q. 3. art. 4. Couarr. ad reg. Peccatum p. 2. §. 1. nu. 3. & multi alij. Aliis placet contrarium.

Dico Secundo, *Probabile est, non solùm in extrema, sed etiam in graui necessitate morbi, famis, nuditatis, posse te clanculum surripere ab opulentis,* In graui ⁷¹ *necessitate.* Angelus v. Furtum. §. 37. Silu. codem q. 5. Nauar. c. 17. num. 5. Ioan. Medina C. de elemosyna. q. 7. Couarruiias suprà, sentit esse probabile. Petrus Nauarr. l. 3. c. 1. n. 375. Per grauom intelligo, non quoniam

quouis modo grauem, sed valde grauem, et si non extremam.

Probatur Primo, Quia sicut à natura omnibus concessa est potestas succurrenti extremae necessitati ex rebus humanis, ita & valde graui. cui enim hæc potestas restricta sit ad extremam? Secundo, Ex graui necessitate facilis est lapsus in extremam; ergo quod in extrema concessum est, extendendum est etiam quodammodo ad grauem. Tertiò, Sicut diutio rerum non debuit nec Iure potuit efficere, quin extrema in necessitate haberes ius surripendi ab iis, qui non sunt in simili necessitate, nempe superflua naturæ, quamvis essent aliquo modo necessaria statui; ita neque potuit efficere, quin dum graui necessitas premat, quando aliud remedium non suppetat, licet surripere superflua, vel parum necessaria alterius statui. Itaque in divisione & attributione rerum, qua factum est, ut nemini ius sit in rem alterius, semper debuit haec conditio tacita intelligi, *Nisi extrema vel certe valde graui necessitas postuerit*: alioquin contra rationem & aequitatem facta esset. Secundum de necessitatibus communibus, & non admodum grauius, quæ ceterius sunt, & non sic virgint, ut diutio & attributio Iure gentium facta debet violari; alioquin omnia furiis plena essent, nec posset pax inter homines conseruari.

Hinc pater, Talem surceptionem non esse fursum; quia dominus tenetur consentire, nec potest cum ratione esse iniurias circa substantiam acceptationis; quamvis modus diffondere possit, si accipias prius quam petieris, tuamque inopiam appetueris. Si tamen ipse sit in pari necessitate, vel status ipsius nobiliter laderetur; possit reculare, sive esse fursum; quia in hac necessitate non licet surripere ab alio, cum notabili detramento status illius: licet in extrema non licet accipere cum graui detramento naturæ illius.

Dices Primo, Cap. Si quis. 3. de furris, dicitur, *Si quis ob necessitatem famis aut nuditatis furatus fuerit cibaria, vestem, aut pecus, peniteat hebdomadas tres, & si reddiderit, non cogatur incusare.* Hic imponitur penitentia ei, qui ob grauem necessitatem furatus fuerit. Ita Couarrunias.

Respond. Primo Ibi forte agi de necessitate non ita graui, vt docet Glossa ibidem, & D. Thomas q. 66. art. 7. ad primum. *Decretalis*, inquit, *illa loquitur in causa, quo non erat virgens necessitas, ubi tamen Aduerte, istud cap. non esse ex Decretalibus Pontificum, sed ex Pœnitentiali Theodori.*

Respond. Secundo, Forrasse agi de iis, qui indebito modo sua necessitati consulerunt, surripiendo clanculum, cum facile potuerint obtine-re si suam necessitatem aperuisserint.

Dices Secundo, Si in graui necessitate posses surripere, posses etiam ad dandum cogere, vel in Iudicio vel extra; sed non potes cogere; ergo nec surripere. Minor probatur; quia nemo potest cogi ad id, ad quod non tenetur ex iustitia; ille autem non tenetur ex iustitia tibi dare; ergo. Ita Sotus.

Respondeo, Si hoc argumentum valeret, concluderet, ne in extrema quidem necessitate res posse surripere, quia diues non tenetur ex iustitia dare, sed solùm ex charitate, vt Sotus fatetur. Itaque neganda est minor. potest enim diues cogi per legittimam potestatem ad succurrentem pauperi, & si te volentem occupare tem tibi sic necel-

sariam conetur impediare, potes te tueri, si scandolum absit.

Ad probationem Respondeo, negando assumptum ad multa enim cogi possumus, ad quæ ex iustitia non obligamur, vt ad non le inebriandum, ad non fornicandum, non blasphemandum, inod ad dandam eleemosynam. vt enim quis cogi possit, satis est eum obligari aliquius virtutis praecipio; & necessarium esse vel valde expeditius ad bonum publicum, vt huiusmodi opera fierint.

D V B I T A T I O X I I I .

Quando filius peccet mortiferè, accipiendo vel expendendo bona paterna, & quando non.

R. Respondeo, Peccat mortiferè Primo, si notabile summam accipiat occulte ex bonis parentum, (nempe quorum dominium vel usus fructus est parentum) ipsi meritò innitis; & teneatur ad restitutionem. est communis lenitentia Doctorum, quia est verum furtum in materia notabili: vnde Proverb. 28. dicitur: *Qui subtrahit a liquid a patre suo, & a matre; & dicit, hoc non esse peccatum, particeps homicida est.* ubi satis indicatur esse mortiferum.

Sed aduerendum est, Non idem censeri notabile in furtis filiorum vel vxoris, quod censetur tale in furtis exterorum, vt recte inter alios notant Petrus Nauarra lib. 3. p. 2. c. 1. sed maiorem quantitatem requiri: neque hæc quantitas est eadem respectu omnium, sed varia pro conditione status, ætatis, personarum, locorum, & aliarum circumstanciarum, prout prudens iudicabit. vnde si filius subtrahit duos vel tres aureos parenti pradiuit: non statim putandum est mortale, præfertim cum parentis talis sapientia non sit multum mutitus: secus si parenti mechanicis, vel cui res angusta.

Secundo, Si expendat in res turpes aut vanas (vt in ludum, in copationes, in feminas) notabile summam contra voluntatem parentum, ex iis pecuniis, quas parentis ei ad honestos usus debet, v.g. ad emendos libros, vestes; ad soluendum didactra magistris: vt recte Nauar. cap. 17. n. 164. Ratio est; quia parentis non concessit ei pecunias illas ad tales usus, sed ad alios; neque intendit illas simpliciter donare, & dominium earum in filium absolute transferre, iuncto solùm mandato, vt honestè vel in hos usus impendar: sic enim ad restitutionem non videretur teneri, sed solùm contra parentem obedientiam fecisse. Sed intendit donare cum restrictione ad usus determinatos, v.g. ad emendos libros, ita vt filius non accipiat earum dominium, nisi ad tales usus. Potest enim parentis suam donationem limitare pro suo arbitrio, ita vt non plus juris conferat, quam ipse confere intendit. quare si filius aliter expendenter, tenebitur ad restitutionem, cum ad alium usum ius non habuerit. Hoc tamen intellige, si parentis inde damnum accepit, ita vt quidcirco plus causa filii expendendum fuerit: secus si in iollis filij incommodecesserit, quod si non possit restituere, teneatur adducere in divisionem: nisi forte constet alios tantumdem expeditisse, vel nisi parentis condonauerit, vel putetur facile condonaturus, si filius audierit rogare: qua ratione multi excusantur ab

Non est
furtum.

73
Si status
laderetur.

74

75

Potest cogi
quis ade-
leemosi. n.